

禹貢

半月刊

中華書局

顧頤剛等 主編

禹貢半月刊

7

第五卷七至十一期

中華書局

出版者：禹貢學會。

編輯者：顧頡剛，馮家昇。

出版日期：每月一日，十六日。

發行所：北平政府蔣家胡同三號禹貢學會。

印刷者：北平政府引得校印所。

禹貢

刊月半

價目：每期零售洋貳角。豫定半年十二期，洋壹圓伍角，郵費壹角伍分；全年二十四期，洋叁圓，郵費叁角。國外全年郵費貳圓肆角。

The Chinese Historical Geography Semi-monthly Magazine

Vol. V, No. 7, Total No. 55. June, 1st, 1936.

Address: 3 Chiang-Chia Hutung, Cheng-Fu, Peiping, China

第五卷 第七期

民國二十五年六月一日出版

(總數第五十五期)

東晉僑置州郡釋例

唐會要節度使考釋

河南葉縣之長沮桀溺古蹟辨

附跋

明末福建海關情況及其地點變遷考略

介紹「四川郡縣志」

西遼建國始末及其紀年

補「中國古今地名大辭典」(二)

隋書地理志汲郡河內風俗質疑

國內地理界消息(電話，航空)

通訊一束(七六——八五)

本會紀事(十六——十七)

班書開

賀次君

趙貞信

顧頡剛

薛澄清

聶崇岐

日本羽田亨著
馮家昇譯

賀次君

魏青銘

葛啟揚輯
趙惠人輯

東晉僑置州郡釋例

班書閣

晉自永嘉之亂，司冀諸州相繼淪沒；元帝南渡，據江左以延晉祚，雖其封疆時有開拓，然多旋得旋失，未能久據；其所恃爲基本版圖者，以較西晉十有九州之疆域，幾損其半焉。然而淪亡諸州，世家鉅族恆有不堪異族之紛擾，相率南遷，散居江表，於是即其所聚，僑置州郡，自茲僑實相雜，名目多重複矣。而晉地理志又惟詳於太始太康，永嘉以後，僅掇數語，故東晉地理幾等闕如；此洪亮吉東晉疆域志之所以作也。洪氏對於僑置州郡亦極加意，然限於體例或有未備，余擬擴而充之也，亦已久矣。全篇之成，尙稍有待，爰先草爲斯例，以見其時僑置複雜之梗概焉。

一 因流寓僑置州郡例

東晉之所以有僑置州郡者，據晉志宋志所載，除因流寓外無他原因，其原因是否止此姑置不論，要爲原因中之主要原因也。

晉志 晉志述僑置之原因，於司州下云：『遺黎南渡，元帝僑置兗州，寄居京口』。於豫州下云：

『因新蔡人於漢九江王黔布舊城置南新蔡郡』。於雍州下云：『秦雍流人，多南出樊沔，孝武始於襄陽僑立雍州』。是爲因流寓而僑置州郡之見於晉志者，此外尙多，不備錄矣。

宋志 宋志所云，於晉志亦多相同，如總序云：『自夷狄亂華，司，冀，雍，涼，青，并，兗，豫，幽，平諸州，一時淪沒，遺民南渡，并僑置牧司，非舊土也』。於南兗州下云：『中原亂，北州流民多南渡，晉成帝立南兗州，寄治京口』。凡述僑置，類多如此；質之晉志，無以異也。

二 僑置非爲流寓例

東晉僑置州郡之原因，據晉宋二志固如上例，然第就下例以揆之，似非盡爲流寓者。

梁州 晉之梁州，按禹貢爲華陽之地，治漢中。自惠帝永興之後，州境半屬於成。宋志云：『李氏據梁益，江左於襄陽僑立梁州。李氏滅，復舊。』譙縱時，又治漢中，刺史治魏興（宋書三十七）。顧祖

禹云：『梁州，太興初寄治襄陽。咸康五年，寄治魏興。建元二年，戍西城。太元二年，復鎮襄陽。義熙初，又移魏興』（方輿紀要卷三）。使東晉之僑置州郡，端爲流寓，而流寓之所以流寓者，爲避異族之鋒鏑，其在異族未至之區，勢必久居而安之，當不更往復遷徙矣。今梁州之既僑於彼，復移於此，其非因民而移，事理至顯。其移置既非因民，則僑置之始故亦未必盡爲流寓也。不獨梁州，若是者固甚多焉。

冀州 晉之冀州，按禹貢周禮并爲河內之地，治房子，在今河北高邑之西南。元帝太興二年，歸於石勒。宋志云：『江左立南冀州，後省。義熙中更立，治青州，又省』（宋書卷三十六）。東晉之僑置州郡使皆果爲流寓，則流寓固非時存時亡者，觀冀州之時省時置，知其僑置州郡非盡爲流寓矣。

二 因位置失地刺史而設僑州例

東晉僑置州郡之原因，不盡繫於人民之流寓，已如上述。茲更思之，魏晉之際，其要州皆以都督兼領刺史，及乎東晉，時有州土雖失而刺史之軍權尚在，即其

所至，設爲僑州，似亦理所必然者。

兖州 兖州在西晉爲禹貢濟河之地。惠帝之末，淪於石勒。李吉甫云：『晉建武初，兖州寄理山上（按崑崙山）。洛陽傾覆，郗鑒獲歸，鄉人士並宗附之，遂共推鑒爲主，與千餘家避難於崑崙山中。宗假鑒龍驤將軍，兖州刺史，鎮鄒山。復爲石勒所侵逼，鑒率文武自嶧山奔下邳』（元和郡縣志卷十）。晉志云：『遺黎南渡，僑置兖州，寄居京口。明帝以郗鑒爲刺史。寄居廣陵』（晉書卷十四）。夫兖州已置於京口矣，又因刺史而改置於廣陵，且郗鑒之爲兖州刺史已久矣，非自明帝始，是兖州之所以僑置，非爲遺黎而爲郗鑒也，固極顯焉。

四 實州僑郡僑州實郡例

洪亮吉之東晉疆域志（卷四）對於此例，考之甚詳，茲將其所考州郡名稱，錄之如左：

實州僑郡 荊州實州，統義陽，新興，東河東，南義陽，東義陽，長寧六僑郡。益州實州，統始康，南陽平，金城三僑郡。揚州實州，統淮南，松滋，義陽三僑郡。

僑州實郡 徐州僑州，統廣陵，山陽，盱眙，鍾離，淮陵，海陽六實郡。秦州僑州，統陰平一實郡。

五 省實郡爲僑郡例

夫所謂僑郡者，非以其舊土已失，借他郡實土以僑置之，而他郡之爲郡仍自若耶？然亦有爲置僑之故，省其僑置處所之實郡，而以僑郡爲主者。

秦郡

宋志云：『惠帝即改扶風國爲秦國』（晉書卷十四）。

案秦國在西晉，統於雍州；建興之後，沒於劉聰。其僑置也，據宋志云：『秦郡太守，晉武帝分扶風爲秦國；中原亂，其民南流，寄居堂邑，堂邑本爲縣，前漢屬臨淮，後漢屬廣陵，晉又屬臨淮，晉惠帝永興元年，分臨淮，淮陵立堂邑郡；安帝改堂邑爲秦郡』（宋書卷三十五）。

按堂邑爲今江蘇六合縣，秦郡由雍置此，自爲僑置，既曰『改堂邑爲秦郡』，是因僑置秦郡而省堂邑也明矣。

六 僑置改爲實土例

東晉州郡由僑置改爲實土者，所在甚多，徐兗青諸州其最著者。茲舉兗州以爲例証。

兗州 兗州實土之失，於第三例已言之矣。其改僑置爲實土，據晉志云：『是時遺黎南渡，元帝僑置兗州，寄居京口，明帝以郗鑒爲刺史，寄居廣陵，置濮陽，濟陰，高平，泰山等郡，後改爲南兗州（按僑置州俱無南字，見十駕齋養新錄卷六）。或還江南，或居盱眙，或居山陽，後始割爲境，常居廣陵』（晉書卷十四）。按廣陵在西晉爲徐州屬郡，爲今江蘇江都縣，所謂『始割爲境』，即割爲實土也。劉宋之南兗州，即基於此。

七 數僑州置於一郡例

江左諸州，自經僑置，不惟一州至僑數州，一郡至僑數郡，甚有一郡之中，至僑數州者。即以荊州之襄陽而論，地非過大也，同時至僑下列諸州，亦可見其時州郡複雜之甚矣。

司州

晉之司州爲禹貢豫州之地，治洛陽。永嘉

之亂，淪於劉聰。迄成帝咸康五年，『庾亮欲開復中原，表桓宣爲都督河北前鋒諸軍事，司州刺史，鎮襄陽』（通鑑卷九十六）。此司州之僑置於襄陽也。

雍州

晉之雍州爲禹貢黑水西河之地，治長安。

永嘉五年，劉聰使子榮攻陷長安，雍州遂入於漢。據宋志云：『雍州刺史，晉江左立，胡亡氏亂，秦雍流民多南出樊沔，晉孝武始於襄陽僑立雍州，並立僑郡縣』（宋書卷三十七）。此雍州之僑置於襄陽也。此外秦州，亦曾僑置於襄陽，惟皆爲時甚暫，與司雍二州，雖不同時，而同時襄陽僑司雍二州，更加以二州僑置之郡縣，其僑實叢雜已達極點矣。

八 實土恢復僑置尙存例

州郡之所以僑置者，非以其實土淪沒耶？如實土已獲恢復，則省其僑置，理之宜也。乃竟有實土雖已恢復，而僑置如故，何耶？下列之州爲其著者：

青州 西晉之青州在禹貢爲海岱之地。晉志云：

『自永嘉興亂，青州淪沒』（晉書卷十五）。又云：『

慕容超移青州於東萊郡，後爲劉裕所滅，留長史羊

穆之爲青州刺史，築東陽城而居之。自元帝渡江，

於廣陵僑置青州，至是始置北青州，鎮東陽城，以

僑立州爲南青州』（同上）。宋志亦云：『青州刺

史，江左僑立，治廣陵。安帝義熙五年，平廣固，

北青州刺史治東陽城，而僑立南青州如故』（宋書卷

三十六）。是青州之實土已恢復，而僑置尙存之証。雖後省南青州，北青州直曰青州，然其省也在後，非恢復而即省也。

九 僑實並存例

此與前例，似同實異。蓋前例所指爲實土淪沒，僑置他所，及實土恢復而僑置尙存也；此則實土並未悉沒，而亦僑置他所，與實土並存不悖者。

徐州 晉之徐州爲禹貢海岱及淮之地，治彭城，

爲今江蘇銅山縣。元帝渡江之後，徐州所得惟半。

宋志云：『晉永嘉大亂，幽冀青并兗州及徐州之淮

北，流民相率過淮，亦有過江在晉陵界者。晉咸

帝咸和四年，司空郗鑑又徙流民之在淮南者於晉陵

諸縣，其徙過江及留此江北者，並立僑郡縣以司牧

之。徐兗二州或治江北，江北又僑立幽冀青并四

州。安帝義熙七年，始分淮北爲北徐州，淮南猶爲

徐州』（宋書卷三十五）。李吉甫亦云：『晉氏南遷，

又於淮南僑立徐州，安帝始分淮北爲北徐州』（元和

郡縣志卷九）。所謂『北徐州』蓋即實土，所謂『淮

南徐州』蓋即僑置之徐州，故知其爲僑實並存者。

十 僑置中復有僑置例

東晉江表各州，不惟實土中多有僑置，即僑置中亦有僑置者。此例以徐州中僑置獨多，茲舉所僑幽州以爲例証。

幽州之僑置於徐 此所謂徐者，即上例所舉僑置江北之徐州。楊守敬東晉疆域圖於徐州之高郵注云：『僑幽州』。是幽州實僑置於高郵，而其時之高郵爲僑置徐州之屬縣，則幽州之僑置於高郵即爲僑置於徐，僑置於徐即爲僑置中之僑置矣。惟幽州是否僑置於高郵，不能以楊圖爲信。更考輿地紀勝高郵軍載：『高郵，東晉有三阿』，王象之自注云：『三阿即今之北阿，苻堅遣將彭超，以兵八萬，圍幽州田洛於三阿』（輿地紀勝卷四十三）。晉書謝玄傳亦云：『超圍幽州刺史於三阿』（晉書卷七十九）。夫田洛以幽州刺史而居高郵，其爲僑置之所自無疑義，而幽州之僑置於徐，爲僑置中之僑置，亦無疑義矣。

十一 僑州遷移無定例

僑置州郡，多有今日僑置於此，明日復移於彼；蓋

視軍事爲轉移，非一經僑置即無更易也。

司州，晉之司州爲禹貢豫州之地，治洛陽。永嘉五年，亡入於漢。其僑置也，據晉志云：『永嘉之亂，司州淪沒劉聰，元帝渡江，亦嘗置司州於徐，非本所也』（晉書卷十四）。元帝紀云：『太興四年，以尚書戴若思爲征西將軍，都督司兗豫并冀雍六州諸軍事，司州刺史鎮合肥』（晉書卷六）。桓宣傳云：『庾亮爲荊州將謀北伐，以宣爲都督沔北前鋒，征討軍事平西將軍，司州刺史，假節鎮襄陽』（晉書卷八十二）。是司州僑置於徐，尋置合肥，未復僑置於襄陽。遷移之頻，於此可見。

襄城郡 襄城郡原屬豫州，治襄城，即今河南襄城縣。元帝永昌元年，入後趙。其僑置也，據晉志云：『永嘉之亂，豫州淪沒石氏，元帝渡江，以春穀縣僑立襄城郡』（晉書卷十四）。又司馬休之傳云：『休之爲襄城太守，鎮歷陽』（晉書卷三十七）。是襄城既僑置於春穀，又嘗僑置於歷陽也。按春穀其時屬揚州之宜城郡，爲今之安徽繁昌縣，歷陽爲揚州屬郡，爲今安徽和縣治，雖同屬揚州，固非一地

也。

十二 僑置省而復置例

東晉僑置州郡，不惟遷徙無定，其或置或省，亦因時制宜，非置即不省，省即不置也。

雍州 雍州自永嘉五年，即入於漢。晉志云：

『自元帝渡江，所置州亦皆遙領。初以魏該爲雍州刺史，鎮鄠城；尋省。其後秦雍流人多南出樊沔，孝武始於襄陽僑立雍州』（晉書卷十四）。是雍州已僑置於鄠，既而復省，省而復僑置於襄陽也。

各郡 置而省，省而復置，不惟雍州如此，於郡尤甚。第以宋志所載冀州各郡言之，如河間，魏，頓丘，渤海諸郡國，皆云：『江左屢省置』。按冀州自元帝太興二年入於石勒，終晉之世未獲恢復；所謂『江左屢省置』，自指僑置而言者。

十三 郡沒州存僑郡仍置原州例

晉沒各州，有閩州胥沒者，有僅沒數郡者；其僅沒數郡者，所沒諸郡之僑置仍多不出其原州。

義陽郡 義陽郡原屬荊州，治新野，即今河南之新野縣。成帝『咸和四年，入後趙。六年，陶侃收

復。咸康五年，又入後趙』（東晉南北朝輿地表州郡表卷四）。穆帝時『以義陽流人在南郡者，立爲義陽郡』。

汝南郡 汝南郡在晉亦屬荊州，是義陽之僑置仍在荊州也。

淮南郡 淮南郡原屬揚州，治壽春，即今安徽之壽縣。『成帝咸和三年，後趙拔壽春』（州郡表卷二），

自是淮南遂入於趙。晉志云：『成帝初，蘇峻祖約爲亂於江淮，胡寇大至，百姓南渡者轉多，乃於江南僑立淮南郡及諸縣』（晉書卷十五）。至其僑置之所，據宋志云：『晉末遂割丹陽之于湖縣爲淮南境』（宋書卷三十五）。按于湖在晉屬揚州之丹陽郡，是淮南之僑置亦未出揚州之域。

十四 郡沒州存僑郡置於他州例

凡僑置之郡，如原屬之州地悉淪沒，其僑置非在他州，莫之或可。如原屬之州僅沒數郡，餘固巍然尙存，而其所沒之郡亦僑置於他州，殆亦僑置中之一特例焉。

義成郡 義成原爲揚州淮南郡之屬縣，成帝咸康三年，與郡同入後趙。考晉書桓宣傳云：『宣平襄陽，陶侃使宣鎮之，以其淮南郡曲立義成郡』。宋志亦云：『義成太守，晉孝武立，治襄陽』。按襄

陽者荊州屬郡也。攷其時淮南與義成雖入後趙，而揚州各郡固多尙在，今義成之僑置不在揚州而在荊州，其亦軍事使然乎？

十五 淪沒一郡析置數僑郡例

在西晉淪沒一郡，及乎東晉時有析置數僑郡者，觀下列之郡可以知矣。

京兆郡

京兆在西晉爲雍州屬郡，治長安，即今

陝西長安縣。建興之後，沒於劉聰。其僑置也，據

宋志有三：一爲襄陽僑置雍州時所置之僑郡，如云

『京兆太守初僑立，寄治襄陽』（宋書卷三十七）是

也。一爲漢中僑置秦州時所置之僑郡，如云『西京

兆太守，晉末三輔流民出漢中僑立』（宋書卷三十七）

是也。一爲在司州所置之僑郡，如云『東京兆郡寄

治榮陽』（宋書卷三十六）是也。夫沒一實郡，而襄

陽，漢中，榮陽悉有僑置，僑置之多可以見矣。

他如扶風郡，西晉亦屬雍州，與京兆同時入漢。據

宋志襄陽有扶風僑郡，漢中亦有扶風僑郡，與京兆

殆同一例。

十六 舊國僑置改郡例

西晉有郡國之別，即以冀州而論，若鉅鹿，安平，平原，樂陵，章武，河間，皆爲國而非郡。及乎僑置，固多仍以國名，而改國爲郡者亦所在多有。

鉅鹿

鉅鹿在西晉統于冀州爲王國，治慶陶，爲

今河北寧晉縣。元帝太興二年，與冀州同時入於後

趙。其僑置據劉道鄰傳云：『義熙元年，索虜寇徐

州，攻相縣，執鉅鹿太守賀申』（宋書）。攷彼時定

制，國稱內史，郡曰太守，此以『鉅鹿太守』稱，

是僑置時已改爲郡矣。

濮陽

濮陽在西晉統于兗州，亦爲王國，治濮

陽，即今河北濮陽縣。愍帝建興四年，陷入後趙。

晉志云：『元帝僑置兗州，寄居京口，明帝以郗鑒

爲刺史，寄居廣陵，置濮陽，濟陰，高平，泰山等

郡』（晉書卷十四），是濮陽國當僑置時亦改爲郡也。

十七 舊縣僑置改郡例

考僑置各郡，有在未淪沒之際爲縣，而一經僑置乃改爲郡者，此在僑置中爲例尙不多見也。

廣川

按廣川在西晉爲冀州渤海國之屬縣，爲今

河北棗強縣地。元帝太興二年，與冀州同歸後趙。

其僑置也，據安帝紀云：『義熙太守劉鍾，河間內

史刪恩，帥衆追盧循』（晉書卷十）。宋志亦云：

『廣川太守，江左以立』（宋書卷三十六）。按廣川舊

既爲縣，此曰太守，是僑置時改爲郡，已無疑義。

他如松滋在西晉爲豫州安豐郡之屬縣，東晉僑置亦

改爲郡，第二十二例可以參証

十八 僑郡改爲僑縣例

淪沒各郡，間有僑置未久，改郡爲縣者，此在東晉爲例甚多。茲舉二郡，以爲例証。

上黨郡 上黨在西晉爲并州屬郡，治潞，爲今山

西潞城縣。建興四年，郡入於漢。宋志於揚州淮南

郡襄垣縣云：『至於晉末，立襄垣縣，屬上黨。上

黨民南過江立僑郡縣，寄治蕪湖；後省上黨郡爲

縣，屬淮南』（宋書卷三十五）。是上黨僑置爲郡，復

改爲縣也。

安豐郡 安豐在西晉爲豫州屬郡，治安豐，爲今

安徽霍邱縣。宋志南豫州云：『安豐太守，魏文帝

分廬江立。江左僑立，晉安帝省爲縣，屬弋陽，宋

末復立』（宋書卷三十六）。是安豐僑置爲郡，復省爲

縣也。

十九 以僑州領舊有實郡例

所謂以僑州領舊有實郡者，蓋以實州已失，僑置他所，及實州已漸恢復而僑置如故，且遙領恢復舊有之實郡。

兗州 錢大昕云：『晉南渡後，僑置青兗徐諸州

郡於江淮間，俱不加「南」字，劉裕滅南燕，收復

青徐故土，乃立北徐北青州置之，而僑置之名如

故。其時兗境亦收復，不別立北兗州，但以刺史治

廣陵，或治淮陰，而遙領淮北實郡』（十觀齊書新錄卷

六），是其證也。

二十 僑於舊實州屬他僑州例

考東晉僑置各郡，時有原屬之州實土尚在，而其僑置之所且在原屬州內，然僑置之郡不屬於原屬之州，而屬於其他之僑州者。其例如下：

淮南郡 淮南實土與其僑置之所，於十三例中已

言之矣。而其僑置後，被屬之州，據晉志云：『成

帝乃僑立豫州於江淮之間，居蕪湖。時淮南入北，

乃分丹陽僑立淮南郡，居于湖。又以舊當塗縣流入

渡江，僑立爲縣，并淮南廬江安豐并屬豫州』（晉書卷十四）。按當塗原爲淮南屬縣，與淮南郡皆舊屬揚州，其郡縣之僑置皆未出揚州之域，而不仍爲揚州所隸屬，乃竟改屬於僑置之豫州，亦云異矣？

二十一 僑郡不屬於原屬之僑州而屬

於其他僑州例

又有州郡俱失，且州郡俱有僑置，而其僑郡不屬於原屬之僑州，乃屬於其他之僑州者。

梁郡 梁在西晉爲國，統于豫州，治睢陽，爲今河南商邱縣。元帝永昌元年，入於後趙。其僑置，據宋志云：『南梁太守，晉孝武太元中僑立於淮南，安帝始有淮南故地，屬徐州。武帝永初二年，還南豫』（宋書卷三十六）。按其所謂『南梁』者，即東晉僑置之梁郡；所謂『屬徐州』者，蓋即東晉僑立淮南之徐也。夫其時豫州固已先於成帝咸和四年僑置於蕪湖矣，豫州僑置於淮南，梁亦僑置於淮南，乃不仍屬於原屬之豫州而屬於無關之徐州，是可怪矣。

魏郡 魏在西晉，爲司州屬郡，治鄴，居今河南

臨漳縣之西南。愍帝建興元年，爲後趙所取。晉志云：『成帝咸康四年，僑置魏，廣川，高陽，堂邑等諸郡，并所屬縣，并寄居京邑』（晉書卷十五）。惟此第云僑置，未詳統屬。考宋志冀州刺史下於魏郡太守云：『江左屢省置』（宋書卷三十六）。是東晉即屬於僑置之冀，而其時原屬之司州固已僑置於荆揚矣。

二十二 僑置於甲州隸屬於乙州例

大凡僑置之郡，其隸屬也，不屬於原屬之僑州，即屬於所僑之實州；然二者之外，又有僑置於甲州，隸屬於乙州者，例如：

松滋郡 松滋原屬豫州之安豐郡，在今安徽之霍丘。自明帝太寧三年，豫部大半入後趙，是以松滋隨之淪沒。據晉志：『成帝初，又於尋陽僑置松滋郡，遙隸揚州』。按尋陽在西晉之初固屬揚州之廬江郡，但自『惠帝元康元年，有司奏荆揚二州疆土廣遠，統理尤難，於是割揚州之豫章，鄱陽，廬陵，臨川，南康，建安，晉安，荊州之武昌，桂陽，安成，合十郡，因江水之名，而置江州。永興

元年分廬江之尋陽，武昌之柴桑二縣，置尋陽郡，屬江州』（晉書卷十五）。降至東晉，尋陽久已爲江州屬郡矣，今云『於尋陽僑置松滋郡，隸揚州』，是

松滋乃僑置於江州而隸屬於揚州者也。

右原稿共四十例，內有關於僑縣者十八例，因大瑣碎，故刪。附注。

康藏前鋒

第三卷 第七期
民國二十五年三月出版

非常時代之邊疆義教..... 恆
國民代表大會之邊疆代表問題..... 仲
西康目前急待解決的兩個問題..... 叢
雲南夷族之略況及其開化方策..... 夫
日暮途窮之川康殘匪（續一）..... 騰
西康巴安富源之略述及其開發之必要..... 劉紹禹
西康伊斯蘭教小學辦理之經過及其艱困..... 伊校全人
論語研究（孔子弟子）..... 馬裕恆
川邊墾牧公司經營事業計劃..... 任從莊
西藏風俗誌..... 丹珍賈茂森

西康巴安縣概況..... 王信隆
雲南昆明通訊..... 昆明來函
滇定通訊..... 楊仲華
狂歌代哭..... 楊蛟
慈母遺愛..... 政玢
一月來之康藏..... 編者輯
藏文增刊..... 高國桂
歡迎西康代表來京..... 編者
我國歷年喪失之土地..... 編後

發行所：康藏前鋒社發行
地址：南京和平門外曉莊
每月一冊 定價大洋一角
（郵費內分二）

西陲宣化 使公署月刊

第一卷 第四期 合刊

中華民國二十五年三月出版

國民自救救國之要道..... 蔣中正
邊疆青年的時代任務..... 黃學安
改造邊疆人民的生活..... 劉宗基
日本「二二六」政變之透視..... 徐繩祖
國際消息.....
國內消息.....
邊疆消息.....
中國國民黨第五次全國代表大會宣言..... 劉家駒
西藏歷代藏王及達賴班禪史要..... 張其昀
青海省之山川人物..... 陸亭林
青海省墾務概況.....
邊疆武職人員敘授官銜暫行條例.....
邊疆武職人員敘授官銜暫行條例施行細則.....
節錄第三次全國代表大會對於政治報告之議決案.....
黃教聖地塔爾寺略史..... 調查科述
青海考察記..... 莊學本

班禪大師古儒古魯法開示..... 劉家駒譯
西藏耶桑王與雲珠之故事..... 曾學理譯
時輪灌頂攝受弟子開示..... 班禪額爾德尼
顯密教之融通概要..... 超一
西北各佛教團體恭請班禪大師爲林護長.....
護國宣化廣慧大師西陲宣化使公署佈告.....
菩提學會章程..... 西藏班禪駐京辦事處述
會議紀錄.....
文電摘要.....
收文報告.....
發文報告..... 柯羽謀著
西藏旅行日記（續前）..... 宣傳處
三民主義與西藏王道救國方略的綜合理論智識者..... 宣傳處
均樂意信聞..... 宣傳處
孫中山先生歷史及其歷史爲世界所共仰..... 宣傳處
孫中山先生讀..... 馬麟
青海官民讀班禪大師及今後之希望.....

出版者：西陲宣化使署

發行所：南京建康西路西陲宣化使署辦事處

唐會要節度使考釋

賀次君

治史地之學，難矣！時代遠昧，史有闕文，故或窮年累月，而不能證實一地一名。至若歷代郡縣之沿革，山川陵谷之變遷，經史志乘之譌訛，傳寫翻刻之脫誤；更須詳為攷覈，用祛其疑，稽之前人而不謬，傳之後世而無惑，粲然如日星之明，契然若符節之合，方可以為法則。若乃憑其臆見，務為游辭，實滋蕪濫，祇增煩冗；徒使脩學之士，迴遑岐途，沿波討原，未知攸適，雖考據之矣，而於學終無補焉。諸史中兩唐書最為蕪雜，先儒若吳縝，吳道，趙紹祖，沈炳震之倫，各有記述，咸多匡正。宋王溥撰唐會要，頗載事蹟，堪與新舊兩書相證。四庫提要云：『初唐蘇冕嘗次高祖至德宗九朝之事，為會要四十卷。宣宗大中七年，又詔楊紹復等次德宗以來事為續會要四十卷，以崔鉉監脩；段公路北戶錄所稱會要，即冕等之書也。惟宣宗以後，記載尙缺，溥因復採宣宗至唐末事，續之為新編唐會要一百卷。建隆二年正月奏御，詔藏史館。是其書淵源有自，足可取信，而鈔刊屢屢，失誤遂多，後之覽者，每用病諸。余

閒讀兩唐暨通鑑通典諸書，於唐代軍鎮，尤留意焉！偶有所得，輒割記之，間有未通，則必反覆參究，歲時積久，略得其概，因而深恠諸書牴牾差池之太甚也。嘗考唐軍鎮建置得三百餘條，以牽涉太廣，攷證難詳，未敢刊布。茲篇所記，專就節度使一類彙輯，故以唐會要節度使考釋名篇，於有唐一代之軍鎮，脩具輪廓，雖曰未善，而猶不失其大也。所論悉就新舊唐書暨諸史乘相互質正，名曰考釋，亦一人之見而已。

二十五年一月十六日。

武德元年因隋舊制呼為大總管，其年六月七日，諸州總管加號使持節，至七年二月十八日，改大總管為大都督。

按隋書百官志：『州置總管者列為上中下三等，總管刺史加使持節。』自魏晉以來有都督諸州諸軍事，後周改都督諸州為總管，則總管為都督之任。周書杞王康傳：『建德三年出為總管利始等五州，大小劍二防諸軍事，利州刺史。』尉遲綱傳：『武成元年除澤州總管五州十一防諸軍事，涇州刺史。保定二年為陝州總

管七州十三防諸軍事，陝州刺史。○蓋隋之總管刺史，亦沿前代督軍州之舊也。唐初緣邊鎮守及襟帶之地，沿隋舊制置總管府以統軍戎，至武德七年始改總管爲都督府。新唐書百官志：『大都督府都督一人從二品，中都督府都督一人正三品，下都督府都督一人從三品；掌督諸州兵馬甲械城隍鎮戍糧粟總判州事。』其大都督亦兼刺史而不檢校州事，蓋專以典軍爲職也。

貞觀三年八月，李靖除定襄道行軍大總管，貞觀三年已後行軍即稱總管，本道即稱都督。永徽已後，除都督帶使持節即是節度使，不帶節者不是節度使。景雲二年四月，賀拔延嗣除涼州都督充河西節度使，此始有節度之號，遂至于今不改焉。

按通鑑：『景雲元年，以幽州鎮守經略大使薛納爲左衛大將軍，兼幽州都督，節度之名自納始。』唐制有節度大使，副大使，節度使；其親王領節度大使而不出鎮，則在鎮知節度者爲副大使，其異姓爲節度使者有節度副使。文宗開成二年七月勅：『本朝親王遙領方鎮，其在鎮者遂云副大使知節度事，但年代已深，相沿未改，今天下侯伯並正節旄，其未落副大使者，祇言節度使。』是大使即節度之名，節度之稱，始薛納不始賀拔延嗣也。蓋唐分天下州縣，制爲諸道，每道置使，其邊方有寇戎之地，則加以旌節，謂之節度使，是即古之持節都督也。肅宗至德以後諸道皆聚兵，中原刺史，亦每受節度之號，觀察防禦，且多改稱節度者，以節度名官，遂失古持節之意焉。

朔方節度使，開元元年十月六日勅朔方行軍大總管宜准

諸道例改爲朔方節度使，其經略，定遠，豐安軍，西，中受降城，單于，豐，勝，靈，夏，鹽，銀，匡，長，安，樂等州並受節度。至十四年七月，除王陵，帶關內支度屯田等使。十五年五月，除蕭嵩，又加鹽池使。二十年四月，除牛仙客，又加押諸蕃部落使。二十九年，除王忠嗣，又加水運使。天寶五載十二月，除張齊邱，又加管內諸軍採訪使；已後遂爲定額。

按通鑑：『玄宗開元九年，置朔方節度使，領單于都護府，夏，鹽等六州，定遠，豐安二軍，東，中，西三受降城。』新唐書方鎮表：『開元十年，增領滑，麗，契三州。二十二年增領涇，原，寧，夏，隴，廓，坊，丹，延，會，宥，宥，麟十二州，以匡，長二州隸慶州，安，樂二州隸原州。天寶元年，增領鄆州。上元二年，罷領單于大都護，以涇，原，寧，夏，坊，丹，延，麟等節度，麟，勝隸振武節度。其後又析渭北，振武節度，朔方所領，僅靈，鹽，夏，豐四州，西受降城，定遠，天德二軍矣。舊唐地理志云：『朔方節度使捍禦北狄，統經略，豐安，定遠，西受降城，東受降城，安北都護，武等七軍，治靈州。』與通鑑新表略異。又通鑑：『開元二年閏二月，以鴻臚少卿朔方行軍副大總管王陵，兼安北大都護，朔方道行軍大總管，令豐安，定遠，三受降城，及旁側諸軍皆受陵節度。』是王陵節度朔方早在開元初，非十四年始設也。

豐安軍，在靈州黃河西，去郡一百八十里。

按通典州郡云：『豐安軍在靈武西，黃河外百八十里。』諸書皆不言其建號於何年，考新書地理志：『武德四年，分豐州迴鶻置豐安縣。』豐安西介吐蕃，北臨突厥，既置郡縣，應爲宿軍以鎮之，然則豐安軍之置，在武德中也。

定遠軍在靈州東北二百里，先天二年正月郭元振置。

按通典州郡云：『景龍中韓公孫仁獻置。』未詳。

河東節度使，開元十一年以前稱天兵軍節度，其年三月四日，改爲太原已北諸軍節度。至十八年十二月宋之悌除河東節度，已後遂爲定額。

按通鑑『玄宗開元五年五月，并州長史張嘉貞上言，「突厥九姓新降者，散居太原以北，請宿重兵以鎮之」。辛酉，置天兵軍於并州，集兵八萬，以張嘉貞爲天兵軍節度。』舊書張說傳：『開元七年，檢校并州大都督長史，兼天兵軍大使。』是除張說又改節度爲大使也。新書方鎮表云：『開元十一年，更天兵軍節度使（表以五年所置爲天兵軍大使，九年除張說更大使爲節度，故此云節度使。）爲太原府以北諸軍州節度，河東道支度營田使，兼北都留守，治太原，領太原，遼，石，嵐，汾，代，忻，朔，雲，蔚九州。十八年，更太原府以北諸軍州節度爲河東節度，自後節度使領大同軍使，副使以代州刺史領之，增領儀，石二州。興元元年賜河東節度號保寧軍節度。貞元三年，保寧軍節度復爲河東節度。』其後屢有增析，而河東之名如故。又舊書韓瑊傳：『開元十五年遙領太原牧，太原已北諸軍節度大使。二十二年加太子太傅，餘如故。』會要云十八年除宋之悌，未詳。

大同軍置在朔州，本大武軍，調露二年裴行儉改爲神武軍，天授二年改爲平狄軍，開元十二年三月四日改爲大同軍。

按舊書地理志：『大同軍在代州北三百里。』通鑑注引宋白曰：『中受降城西之大同川，乃隋大同城之舊墟，開元五年，分善陽縣東三十里置大同軍以戍邊。』又通鑑：『玄宗開元十一年二月，罷天兵大武等軍，以大同軍爲太原以北節度使。』則大同軍不應在開元十二年始置也。會要云本大武軍恐誤，據通鑑開元十一年以大同大武並稱可知。且大武軍之名開元初尙存，通鑑：『玄宗開元四年，拔曳固，回紇，同羅，鶻，僕固五部來降，置於大武軍北。』又云：『時大武軍牙將邢靈等奉使在突厥。』大武軍既改稱神武，又改爲平狄，何得仍其舊名，然則大武，神武，平狄，大同等軍，同在代州，非一軍之別號也。於會要所云未詳。

橫野軍初置在飛狐，復移于新州。開元六年六月二十三日張嘉貞移于古代郡大安城南，以爲九姓之援。天寶十三載十二月一日改爲大德軍。

按新書地理志：『蔚州東北有橫野軍，乾元元年徙天成軍合之而廢橫野軍。』通鑑云：『橫野授天兵節度。』

蔚嵐軍，武德中爲鎮，永淳二年改爲柵，隸平狄軍。長安三年李迥秀改爲景龍中軍，張仁亶移軍朔方，留一千人充守捉，屬大武軍。開元十二年崔隱甫又置軍，十五